

Script of Evening Gojri News Bulletin 09 July 2024 at 1700 Hrs

ایونٹنگ گو جری نیوز بلیٹن مورخہ 09 جولائی 2024

یوہ آکا شوانی جموں ہے محمد امین انجم تے ظفر اقبال تیں خبر سُنو۔ پہلاں خاص خاص خبر۔

*1- وزیر اعظم نریندر مو دی نے کہیو جے سرکار تیجی با ر مانہ بہارت نانہ دُنیا غی سب

تیں بڑی معیشت بنان غو ارادو رکھے۔

*2- صدر جمہو ریہ درویدی مُرمو تے وزیر دفاع راجناتھ سنگھ نے دہشت گرد حملہ مانہ

بہارت فوج غا جوانان نانہ جان جان ور دُکھ غو اظہار کیو۔

*3- ضلع کٹھوعہ مانہ دہشت گرد حملہ تیں بعد جموں سرینگر قومی شاہراہ ور حفاظت تگڑی

کر دتی گئی ہے۔

*4- تے مرکزی وزیر تعلیم نے ریاستاں تے مرکزی زیر انتظام علاقان مانہ کہیو جے

وین باہمی تعلیمی نظام واسطے مل غے کم کریں۔

خبران غی تفصیل نال پہلاں محمد امین انجم۔

PM Indian Community

وزیر اعظم نریندر مو دی نے کہیو ہے جے اُن غی تیجی با ر بنی سرکار غو مقصد بہارت

نانہ دُنیا غی سب تیں بڑی معیشت بنانو ہے۔ ماسکو روس مانہ بہارتی برادری نال خطاب

کرتاں وان جناب مو دی نے کہیو جے اُج غو بہارت کسے وی طے شدہ مقصد

نانہ حاصل کرے۔ وزیر اعظم نے کہیو جے تیجی با ر سرکار بنان تیں بعد یوہ اُن غو بہارتی

برادری نال پہلو خطاب ہے۔ وزیر اعظم نے کہیو ہے جے اُنہاں نے عہد کیو ہے جے تیجی با

ر بنی سرکار مانہ 3 گنا تیں متی تگڑی رفتار نال کم کیو جائے گو۔ جناب مو دی نے کہیو

جے پوری دُنیا حیران ہے جے بہارت نے پچھلا 10 بہراں مانہ کتنی تیزی نال ترقی کی۔

اُنہاں نے کہیو جے جد دُنیا تیں لوک بہارت آویں تاں وین کہیں جے بہارت بدل رہیو ہے۔

جناب مو دی نے کہیو جے بہارت غی تبدیلی ناصرف نظام تے بنیا دی دھانچہ مانہ بلکہ مُلک

غا شہری تے نوجوان غا خود اعتماد مانہ ظاہر وے۔ وزیر اعظم نے کہیو جے بہارت تے

روس عالمی خوشحالی نانہ نویں توانائی دین غی خاطر مونڈا نال مونڈو ملا غے چل رہیا ہیں۔

اُنہاں نے دوہاں مُلکاں بشکار تعلقات مضبوط بنان واسطے صدر پُٹن غی قیادت غی تعریف

کی۔ جناب مو دی نے کہیو جے بہارت ترقی با رے نویں رفتار دُنیا غی ترقی غی اک نویں

کہانی لکھے گو۔ اُنہاں نے کہیو جے جد بہارت امن بارے گل کرے تاں پوری دُنیا سُنے۔

اُنہاں نے کہیو جے بہارت غی خدمات 15 فیصد ہیں تے یہ آتا وقتاں مانہ بدھیں گی۔ وزیر

اعظم نے کہیو جے بہارت تے روس نے کزان تے یکتا ترین برگ مانہ نوّاں سفارت خانہ

کھولن غو فیصلو کیو ہے۔ اُنہاں نے کہیو جے ایسو کرن سنگ دوہاں مُلکاں بشکار سفر تے

کاروباری تجارت بدھے گی۔

PM Tomb Soldiers

وزیر اعظم نریندر مو دی نے اُج ماسکو روس مانہ نامعلوم جوانان غا مقبرہ ور خراج

عقیدت پیش کیو۔ اُنہاں نے مقبرہ ور پُہلاں غی چارد پیش کیں۔ یوہ مقبرو نامعلوم جوانان غی

جنگی یادگار ہے۔ جہیڑو کر ملن وال ماسکو مانہ واقع ہے۔ یوہ مقبرو سوئیٹ جوانان

نانہ وقف ہے۔ جنہاں نے عالمی جنگ 2 گے دوران اپنی جان گنواہ چھوڑیں تھیں۔

Prez Terrorist Attack

صدر جمہو ریہ درویدی مُرمو نے کہیو ہے جے کٹھوعہ مانہہ فوج غا قافلہ ور ہوؤ دہشت گرد حملو اک بزدلانہ عمل ہے۔ تے اس غی مزمت کی جانی چاہیے۔ نالے تگڑیائی نال مقابلو کرنو چاہیے۔ اک سماجی ذرائع ابلاغ پوسٹ مانہہ صدر نے کہیو جے تمام صورتاں مانہہ دہشت گردی غے خلاف چل رہی جنگ مانہہ بہا در شہیداں غا گنباں نال ویں ہمدردی رکھیں۔ صدر مُرمو نے دہشت گرد حملہ مانہہ زخمی ہوا جواناں غی جلد صحت یابی غی دُعا کی۔

Rajnath Army

وزیر دفاع راجناتھ سنگھ نے کٹھوعہ دہشت گرد حملہ مانہہ بھارتی فوج غا 5 جوان کھو دین ور دُکھ غو اظہا ر کیو ہے۔ جناب سنگھ نے کہیو جے قوم مشکل وقت مانہہ شہیداں غا گنباں غے نال کھلی ہے۔ انہاں نے جانکاری دتی ہے جے دہشت گرداں مخالف کاروائی چل رہی ہیں تے بھارتی جوان خطہ مانہہ امن برقرار رکھن واسطے پکو ارادو رکھیں۔ موصوف نے حملہ مانہہ زخمی جواناں غی جلد صحت یابی غی دُعا کی ہے۔ اسے دوران گئی رات ضلع پونچھ غا کرشنا گھاٹی سیکٹر مانہہ فوجی جواناں نے قبضہ لکیر ور اک پاکستانی ڈرون نانہہ گولی مار دتی۔ مہارا نمائندہ نے رپورٹ توری ہے جے یوہ ڈروان بھارتی حدود مانہہ مختصر ڈواری مار غے پاکستان مُڑ گیو۔ فوجی جواناں نے اج سرگی ویلے اگلا گرائیاں مانہہ تلاشی کاروائی چلائیں۔ تانجے یقینی بنایو جا سکے جے ڈراؤن نے کوئی ہتھیار یاہ نشیلی دوائیں تے نہیں سٹیں۔ جموں کشمیر پولیس نے اس ڈراؤن بارے جانکاری دین آلا نانہہ 3 لکھ روپیاں گو نقد انعام دین گو اعلان کیو ہے۔

Dhami Terror Attack

ضلع کٹھوعہ مانہہ گشتی پارٹی ور ہوا دہشت گرد حملہ مانہہ شہید ہوان آلا فوجی جوان اُتراکھنڈ غا بسنیک تھا۔ وزیر اعلیٰ پُشکر سنگھ دھامی نے اج کہیو جے شہدا غی شہادت بے کار نہیں جائے گی۔ انہاں نے کہیو جے یاہ ہم سب واسطے تکلیف غی گھڑی ہے۔

Rusted Shell

ضلع جموں غا بن ٹول پلازہ نگر وٹہ علاقہ مانہہ اج حفاظتی دستاں نے 2 زنگ آلو دہ شیل تباہ کیا۔ سرکاری ذریعاں نے دسیو ہے جے معمول غی تلاشی غے دوران پولیس تے حفاظتی دستاں نانہہ یہ زنگ آلو دہ شیل ملیا۔ بعد مانہہ ہم نکارہ بنان آلو دستو موقع ور بلايو گیو۔ تے بغیر کسے نقصان غے ان شیلان نانہہ ناکارہ بنایو گیو۔ اسے دوران اس سلسلہ مانہہ اک معاملو درج کر غے تحقیقات شروع کر دتی گئی۔

Security NH44

ضلع کٹھوعہ مانہہ دہشت گرداں غا حملہ مانہہ فوج گا 5 جوان شہید ہون تیں بعد جموں سرینگر قومی شاہراہ ور حفاظت تگڑی کر دتی گئی ہے۔ اس سلسلہ مانہہ فوج غا 5 جوان شہید تے کئیں اُس ویلے زخمی ہو گیا تھا جد دہشت گرداں نے کل ضلع کٹھوعہ غا مچھیدی علاقہ مانہہ فوج غا اک قافلہ ور حملو کر دتو تھو۔ دہشت گرداں بشکار ٹاکرو چل رہیو ہے۔ حملہ تیں بعد مرکزی صنعتی حفاظتی دستہ سی آئی ایس ایف، سی آر پی ایف تے جموں کشمیر پولیس غا جوان اُدھم پور مانہہ قومی شاہراہ نمبر 44 ور تعینات کیا گیا

ہیں۔ یہ اقدام اس واسطے چایا گیا ہیں جسے امرناتھ یا ترا غو 12وں جتھو اچ سویرے گزریو۔ اسے دوران حملہ مانہہ زخمی ہوا 5 جوان مزید اعلاج غی خاطر فوجی ہسپتال پٹھانکوٹ ٹوریا گیا ہیں۔ قابل ذکر ہے جسے 9 جون تیں 4 تھاریں دہشت گرد حملہ ہوا جن مانہہ ریا سی، کٹھوعہ تے ڈوڈہ ضلع شامل ہیں۔ ان حملان مانہہ 9 یا تری ہلاک تے سی آر پی ایف غو 1 جوان شہید ہوگیو۔ تے اس طرح 1 عام شہری و تقریباً 7 حفاظتی جوان زخمی ہو گیا۔ واضح رہ جسے حاہی مانہہ مرکزی وزیر داخلہ امت شاہ نے جموں کشمیر غی سلامتی صورتحال وراک جائزہ میٹنگ غی صدارت کرتاں ورا تمام حفاظتی ایجنسیاں نانہہ ہدایت کی تھی جسے ویں مشن موڈ ورا کم کرے فوری کا روائی عمل مانہہ آئیں۔

یہ خبر تم آکا شوانی جموں تیں سن رہیا ہیں خبراں غا باقی حصہ نال ظفر اقبال۔

Pradhan Education

مرکزی وزیر تعلیم دھرمیندر پردھان نے ریا ستاں تے مرکزی زیر انتظام علاقان نانہہ کہیو ہے جسے ویں باہمی تعاون آلو تعلیمی نظام تیار کرن غی خاطر مل جُل غے کم کریں۔ اچ ریاستاں تے مرکزی زیر انتظام علاقان سنگ افتتاحی اجلاس نال خطاب کرتاں ورا جناب پردھان نے اگلا 5 بہراں واسطے نقشہ راہ ورا اپنا خیالات سانجھا کیا۔ انہاں نے کہیو جسے تعلیم وزیر اعظم نریندر مو دی غا وکست بھارت نظریہ غو کلیدی کہیو ہے۔ انہاں نے ریا ستاں اور مرکزی زیر انتظام علاقان نانہہ کہیو گیو ہے جسے ویں اس مقصد غا حصول واسطے مل جُل غے کم کریں۔ موصوف نے کہیو جسے قومی تعلیمی پالیسی غی عمل آوری بھارت نانہہ علم بارے اک سُرپا ورا بنان غی گنجی ہے۔ بھارتی زبانان مانہہ تعلیم با رے گل کرتاں ورا جناب پردھان نے کہیو جسے قومی تعلیمی پالیسی 2 ہزار 20 مانہہ بولی تے بھارت غی تمام زبانان مانہہ تعلیم دین غی اہمیت ورا زور پاوے۔

Ramban Medical Camp

ضلع رام بن مانہہ محکمہ صحت غی طرفوں قومی شاہراہ این ایچ 44 ورا امرناتھ یا تریاں واسطے 17 طبی کیمپ منعقد کیا گیا ہیں۔ قابل ذکر ہے جسے یہ کیمپ نا شری توں بانہال توڑی لایا گیا ہیں۔ 4 طبی بستراں ورا مشتمل مرکز مانہہ اک کیمپ یا تری نواس چندر کوٹ تے دوجا لنگر سائٹ بانہال مانہہ لایو گیو ہے۔ اس سلسلہ مانہہ بولتان ورا چیف میڈیکل افسر کمل زادو تے گجھ یا تریاں نے اس طرح کہیو۔۔۔ بانٹ۔۔

SBI RSETI Training

ضلع اڈھم پور غا سٹیٹ بینک آف انڈیا برائے دیہی روزگار تے تربیتی ادارہ نے کالسریاں نانہہ با اختیار بنان واسطے اک مہینہ غو مفت کٹینگ تے درجیاں گو کو رس ضلع غی دیہی علاقان مانہہ رہن آلی بچیاں تے کالسریاں واسطے شروع کرایو ہے۔ اس کو رس توں علاقہ غی کالسری خود روزگار کما غے اپنو کھر چلا سکیں۔ قابل ذکر ہے جسے یوہ تربیتی ادارو ضلع اڈھم پور غا شیو نگر مقام ورا موجود ہے۔ اس سلسلہ مانہہ گل کرتاں ورا ایس بی آئی آر ایس ای ٹی آئی غا ڈائریکٹر تے اس کو رس مانہہ حصول لین آلاں نے اس طرح کہیو۔۔۔ بانٹ۔۔

MeT Weather

محکمہ موسمیات غا سرینگر سینٹر غے مطابق صوبہ جموں غا کجھ اک مقامات ور اس مہینہ غی 11 توں 13 تا ریخ نانہہ تیز بارش جد کہ دوجا دیگر مقامات ور گرج چمک نال بارش وے گی قابل ذکر ہے جے اس مہینہ غی 12 تا ریخ سنگ صوبہ جموں غا کجھ اک مقامات ور تیز بارش وے گی تے صوبہ غا دیگر مقامات ور ہلکی توں درمیانہ درجہ غی بارش ہون غو وی امکان ہے۔ اس مہینہ غی 14 تے 15 تا ریخ نانہہوی صوبہ جموں مانہہ تیز بارش وے گی جد کہ کجھ اک مقامات ور گرج چمک غے نال چھنٹ پے سکیں۔

اس غے نال ہی خبراں غو یوہ بلیٹن ختم ہوؤ۔

News Read By:- Mohd Ameen Anjum & Zafar Iqbal

News Editor:- Ashok Kumar Mota

DEO:- Alam Khan

Skill:- Taraseem Lal